



**UNIT KOMUNIKASI KORPORAT  
JABATAN PERIKANAN MALAYSIA  
BERITA PERIKANAN HARI INI**

**07 Disember 2022  
12 Jamadilawal 1444H**

<b>SENARAI AKHBAR</b>	<b>TAJUK</b>
<b>Utusan Malaysia</b>	<ul style="list-style-type: none"><li>• Ikan kelah Ulu Tembeling gamit kaki pancing</li></ul>
<b>Berita Harian</b>	<ul style="list-style-type: none"><li>•</li></ul>
<b>Harian Metro</b>	<ul style="list-style-type: none"><li>• Harga bahan basah masih terkawal</li></ul>
<b>Kosmo !</b>	<ul style="list-style-type: none"><li>•</li></ul>
<b>Sinar Harian</b>	<ul style="list-style-type: none"><li>• Warga asing kaut hasil laut Pulau Pinang</li><li>• Persatuan nelayan harap Jabatan Perikanan Malaysia tidak beri lesen</li></ul>
<b>The Star</b>	<ul style="list-style-type: none"><li>• Big clean-up planned to attract sea turtles to lay eggs on beaches</li></ul>
<b>The Straits Time</b>	<ul style="list-style-type: none"><li>•</li></ul>
<b>Nanyang Siang Pau</b>	<ul style="list-style-type: none"><li>•</li></ul>
<b>Malaysia Gazette</b>	<ul style="list-style-type: none"><li>•</li></ul>
<b>Harakah</b>	<ul style="list-style-type: none"><li>•</li></ul>
<b>Malaysiakini</b>	<ul style="list-style-type: none"><li>•</li></ul>
<b>Bernama</b>	<ul style="list-style-type: none"><li>•</li></ul>
<b>Borneo Post (KK)</b>	<ul style="list-style-type: none"><li>•</li></ul>
<b>Guan Ming Daily</b>	<ul style="list-style-type: none"><li>•</li></ul>
<b>Sabah Media</b>	<ul style="list-style-type: none"><li>•</li></ul>

UTUSAN MALAYSIA		KOSMO!		THE STAR		NANYANG SIANG PAU	MUKA SURAT	TARIKH
BERITA HARIAN		SINAR HARIAN	/	THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF			NEGATIF		NEUTRAL		22	7-12-2022

**M**ASALAH nelayan Rohingya mendominasi laut di Pulau Pinang utamanya di Teluk Kumbar, Bayan Lepas bukan masalah baharu.

Majoriti warga asing ini datang dari Kedah dan tidak memiliki kelulusan untuk bekerja dalam mana-mana sektor menyebabkan mereka memilih untuk bekerja sebagai nelayan.

Tidak kisah tentang bayaran, mereka mampu untuk bekerja lebih masa dengan upah yang tidak seberapa oleh pemilik bot menyebabkan peraih lebih suka berurusan dengan mereka.

Walaupun pihak berkuasa kerap melaksanakan operasi dalam mengekang nelayan asing tanpa permit ini, kehadiran mereka masih ramai sehingga menggugat pendapatan nelayan tempatan.

Ikuti laporan Syajaratulhuda Mohamad Rosli dan Mohd Iskandar Othman yang menemubual beberapa nelayan dan persatuan nelayan mengenai isu tersebut di Pulau Pinang

# Warga asing kaut hasil laut Pulau Pinang



ROSLIZAN

IBRAHIM

mun semakin lama akhirnya mereka berkampung di sini.

"Ketika mula-mula datang, mereka ini bekerja dengan pemilik bot. Mereka diberi upah, selepas itu mereka sewa sampan dan sekarang kebanyakan mereka sudah memiliki sampan sendiri. Sekurang-kurangnya seorang nelayan Rohingya dikatakan mempunyai dua buah sampan.

"Bayangkan jika jumlah mereka lebih 200 orang, berapa sampan yang ada di situ. Kehadiran mereka ini menyebabkan pendapatan kami sebagai nelayan tempatan merosot," katanya ketika ditemui di sini pada Selasa.

Bahkan, ada di antara mereka memiliki bot mempunyai enjin berkuasa tinggi yang membolehkan mereka menangkap ikan di kawasan yang lebih jauh.

Sementara itu, Ketua Unit Nelayan Teluk Kumbar, Roslizan Ramli berkata, kehadiran nelayan Rohingya di Teluk Kumbar bukan perkara baru dalam kalangan penduduk dan nelayan tempatan sejak lebih 10 tahun lalu.

Beliau berkata, adalah menjadi cabaran untuk dirinya yang juga nelayan serta puluhan nelayan lain di Teluk Kumbar untuk bersaing dengan nelayan asing itu.

"Dulu mereka tak ramai sangat macam sekarang. Hanya ada 20 buah sampan, tetapi kini ia bertambah menjadi antara sehingga 100 buah. Nelayan di sini berasa sangat tidak selesa dengan kehadiran



nelayan pelarian ini.

"Bukan sahaja menjadi nelayan, mereka juga membawa keluarga mereka ke sini menyebabkan etnik Rohingya di perkampungan nelayan dan Flat Sahabat di Teluk Kumbar kini bertambah hampir 500 buah keluarga," katanya.

Kata beliau, keadaan semakin meruncing apabila ada peraih sanggup melabur puluhan ribu ringgit untuk mendapatkan hasil laut.

"Kebanyakan peraih tidak peduli dengan siapa mereka berurusan, nelayan tempatan atau asing asalkan mereka dapat hasil.

"Nelayan asing ini tidak mempunyai lesen dan permit perikanan yang sah tetapi bebas menangkap ikan di perairan negeri ini.

"Bila lapor, kena tahan dan diambil tindakan, mereka akan lari balik ke

Langkawi. Selepas itu, datang semula ke sini," katanya.

Sementara itu, seorang lagi nelayan pemilik sampan rakyat tempatan menjadi api dalam sekam yang menyebabkan nelayan warga asing bermaharajalela di perairan negara.

Menurutnya, banyak nelayan warga asing terutamanya Rohingya tidak lagi menghiraukan peraturan disebabkan lampu hijau diberikan oleh nelayan tempatan yang tidak bertanggungjawab.

"Ada dalam kalangan mereka akan jadi lagi kurang ajar dan berani langgar pukat nelayan tempatan.

"Mereka tak peduli asalkan dapat mengaut hasil laut kita," katanya.

Tambahnya, dengan keadaan hasil laut yang semakin berkurangan ia amat memberi kesan kepada nelayan tempatan.

**GEORGETOWN** - Kehadiran nelayan warga Rohingya di Pulau Pinang terutamanya di Teluk Kumbar dan Bayan Lepas telah menjejaskan lebih 50 peratus pendapatan nelayan tempatan.

Ini berikutan, dengan jumlah mereka yang semakin ramai selain bebas menangkap ikan di semua lokasi menyebabkan nelayan tempatan terpaksa bersaing dengan mereka.

Pengerusi Persatuan Nelayan Pulau Pinang (Pen Mutiara), Ibrahim Che Ros berkata, kehadiran lebih 200 nelayan Rohingya di Pulau Pinang mencetuskan kekusaran kepada semua nelayan tempatan kerana nelayan asing itu tidak kira tempat untuk menangkap hasil laut.

Menurutnya, walaupun operasi kerap diadakan oleh pihak berkuasa, ia dilihat seolah-olah tiada penyelesaian terhadap masalah tersebut.

"Memang jumlah mereka semakin ramai terutamanya di Teluk Kumbar. Mereka ini datang dari Bukit Malut, Langkawi. Mula-mula yang datang tidak ramai, na-



UTUSAN MALAYSIA		KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN	/	THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF			NEGATIF		NEUTRAL			22	7.12.2022

## Persatuan nelayan harap Jabatan Perikanan Malaysia tidak beri lesen

**GEORGETOWN** - Pengerusi Persatuan Nelayan Kawasan Pulau Pinang, Arshad Omar mengharapkan pihak berkuasa tidak mengeluarkan lesen kepada nelayan Rohingya yang semakin ramai di negeri ini.

Menurutnya, pihak persatuan telah menulis surat sebanyak dua kali kepada pihak berkuasa mengenai kebanjiran nelayan asing yang menggugat pendapatan nelayan di Pulau Pinang.

"Kita telah menulis surat kepada Pasukan Polis Marin, Agensi Penguatkuasaan Maritim Malaysia (Maritim Malaysia) Pulau Pinang dan Jabatan Perikanan Malaysia mengenai perkara ini.

"Pihak berkuasa mengambil maklum dengan masalah ini dan kita akui, dengan aduan yang dibuat, pihak berkuasa telah giat menjalankan operasi untuk menahan nelayan asing tanpa permit ini.

"Selain itu, kita juga membuat aduan kepada Pejabat

Daerah dan Tanah Barat Daya mengenai penempatan warga Rohingya yang semakin ramai terutamanya di Teluk Kumbar," katanya.

Dalam pada itu, Ibrahim turut bersetuju dengan Arshad yang memohon agar pihak berkuasa lebih tegas dalam menangani masalah nelayan asing ini.

"Pen Mutiara berharap agar pihak berkuasa lebih kerap menjalankan operasi untuk menahan mereka ini. Kami berhadapan dengan beberapa masalah yang bakal menimpa iaitu projek tambakan laut, *Penang South Islands (PSI)*.

"Ditambah pula dengan persaingan nelayan asing ini, bertimpa-timpa lah masalah kami. Oleh itu, saya berharap agar kerajaan yang baru dibentuk ini melihat isu yang dihadapi nelayan di Pulau Pinang



ARSHAD

khususnya yang berkaitan dengan nelayan asing dan PSI," katanya.

Mengulas mengenai PSI, Ibrahim berkata, Pen Mutiara menggesa agar projek tersebut dibatalkan kerana ia juga akan menjejaskan pendapatan nelayan di seluruh Pulau Pinang.

Menurutnya, sekiranya projek tersebut diluluskan, ia akan merosakkan alam sekitar secara kekal yang mana, di kawasan selatan Pulau Pinang, ia merupakan kawasan berteluk yang menjadi habitat ikan membiak.

"Seluruh nelayan Pulau Pinang menolak projek ini daripada mula lagi kerana secara jelas akan menyebabkan kerosakan kekal.

"Kawasan yang bakal ditambak merupakan lubuk pelbagai spesies ikan dan hidupan laut antaranya kembung, senangin, udang, ketam dan banyak lagi," katanya.



UTUSAN MALAYSIA	KOSMO!	THE STAR	NANYANG SIANG PAU	MUKA SURAT	TARIKH
BERITA HARIAN	SINAR HARIAN	THE SUN	ORIENTAL DAILY		
HARIAN METRO	NEW STRAITS TIMES	THE MALAY MAIL	PELBAGAI		
KATEGORI LIPUTAN: POSITIF		NEGATIF	NEUTRAL	28	7.12.2022

# Ikan kelah Ulu Tembeling gamit kaki pancing

Oleh SALEHUDIN MATRASAD  
 gayautusan@mediamulia.com.my

**K**AWASAN Ulu Tembeling bukan sahaja terkenal sebagai destinasi ekopelancongan, tetapi juga 'lubuk emas' spesies ikan kelah yang menjadi kegunaan penancing dan penggemar ikan eksotik.

Ikan kelah adalah ikan kap dalam keluarga Cyprinidae dengan nama saintifik *Tor putitora* yang bersisik besar dan merupakan ikan air tawar Sungai Tembeling.

Ikan kelah mendiami Sungai Tembeling dan anak-anak sungainya serta hidup liar di dasar berbatu-batu untuk membiak.

Habitat semula jadi alam sekitar memudahkan spesies itu mencari makanan, termasuk buah-buahan hutan yang jatuh daripada pokok.

Ketua Kampung Kuala Sat, Abdul Jabar Dollah mengakui, ikan kelah Sungai Tembeling mendapat sambutan memberangsangkan daripada peminat ikan air tawar tempatan dan luar.

Menurutnya, Ulu Tembeling sinonim dengan kaki joran untuk mendaratkan ikan paling mahal yang diidamkan banyak orang di Lembah Tembeling, Jerantut.

"Ikan kelah paling terkenal di Lembah Tembeling dan mendapat sambutan baik, malah ada yang sanggup meredah 'sengsara' untuk mendapatkannya.

"Bagi golongan elit pula, wang bukan masalah kerana yang penting kepuasan untuk menikmati kelah asli dari Sungai Tembeling," katanya.

Tambah beliau, sejak 'bebas' daripada belunggu pandemik Covid-19, semakin ramai hadir secara berkumpulan untuk 'memburu' dan memancing ikan kelah.

Katanya, mereka dialu-alukan datang ke Ulu Tembeling tetapi dinasihatkan memancing tanpa menggunakan bahan larangan seperti racun perosak.

Tambah beliau, orang luar boleh berkhemah di tebing atau beting pasir sambil menjalankan aktiviti riadah memancing.

"Bagaimanapun, mereka dinasihatkan menggunakan

khidmat orang kampung sebagai jurupandu ke lokasi terbaik dan selamat," katanya.

Beliau menegaskan, sebagai anak jati kampung, mereka dapat mengesan perubahan landskap dan persekitaran sekitarnya berlaku salah laku penguinjung.

Beliau selaku Pengerusi Jawatankuasa Pembangunan dan Keselamatan Kampung (JPKK), Kg Kuala Sat sering mendapatkan bekalan ikan kelah daripada penduduk kampung sekiranya ada tempahan dari luar kawasan.

"Saya berharap lebih ramai lagi penduduk kampung berkecimpung menternak ikan kelah liar untuk menjaga pendapatan sampingan yang lumayan," katanya.

Menurutnya, Pemangku Raja Pahang, Tengku Hassan Ibrahim Alam Shah Ibnu Al-Sultan Abdullah ketika mencemar duli ke kampung ini, Mei lalu turut dihidang menu ikan kelah.

Tambah beliau, selain memancing, pelancong boleh menyambung aktiviti di Kampung Kuala Sat dengan menelusuri Sungai Tembeling dan Sungai Tahan dengan menyewa bot berenjin yang disediakan.

Pengusaha kecil-kecilan kelah liar, Zainal Sidek, 43, amat

bersyukur di atas permintaan kelah yang sering menjadi pilihan golongan elit.

Menurutnya, ikan kelah yang ditangkap akan disimpan dalam bekas khas di Sungai Tembeling sebelum mendapat permintaan pembeli.

Menurutnya, dia boleh mengaut hasil tangkapan kira-kira RM3,000 sehari kerana bagi penggemar ikan eksotik itu, harga bukan menjadi masalah.

"Dengan pasaran terkini ikan kelah mencecah hampir RM300 sekilogram menjadi sumber pendapatan yang lumayan kepada penduduk," katanya.

Sementara itu, pelancong tempatan, Abu Samah Abdul Hamid, 58, dari Felda Jengka 18, Maran menyertai ekspedisi bermotosikal bersama lima rakan untuk menikmati keindahan alam perkampungan Ulu Tembeling seperti Kampung Gusai, Kampung Bantai dan Kampung Kuala Sat.

Menurutnya, sambil berkelah, mereka sempat memancing ikan kelah dan spesies ikan air tawar bernilai tinggi untuk sajian tengah hari atau malam.

"Untuk ke lokasi kampung berkenaan, pelawat boleh menaiki kenderaan darat seperti kereta dan motosikal atau jika mahu lebih mencabar, menaiki bot di Kuala Tahan," katanya.

Menurutnya, di Kampung Kuala Sat, pelawat dapat merasai pengalaman bermain dengan ikan liar seperti ikan kelah dan spesies lain yang jinak, antaranya lampam sungai dan kerai di Santuari Sungai Sat iaitu anak Sungai Tembeling.

Untuk sampai, pelawat perlu menempuh beberapa laluan berliku dan bukit-bukau, termasuk di lokasi indah Bukit Awan sejauh 67 kilometer dengan tempoh perjalanan kira-kira 1 jam 30 minit dari simpang jalan Jerantut-Marau.

**SELAIN** terkenal sebagai destinasi ekopelancongan, Ulu Tembeling juga menjadi 'lubuk emas' spesies ikan kelah.



**KETUA** Kampung Kuala Sat, Abdul Jabar Dollah menunjukkan ikan kelah yang dipancingnya di Sungai Tembeling, Jerantut mendapat permintaan tinggi di pasaran tempatan.



UTUSAN MALAYSIA	KOSMO!	THE STAR	NANYANG SIANG PAU	MUKA SURAT	TARIKH
BERITA HARIAN	SINAR HARIAN	THE SUN	ORIENTAL DAILY		
HARIAN METRO	NEW STRAITS TIMES	THE MALAY MAIL	PELBAGAI		
KATEGORI LIPUTAN: POSITIF		NEGATIF	NEUTRAL	4	7.12.2022



Nur Afifah (in blue headscarf) speaking to some of the volunteers during a beach clean-up activity in Pulau Sibul, Mersing.

## Big clean-up planned to attract sea turtles to lay eggs on beaches

THE Johor Fisheries Department is planning a major clean-up programme around the islands off Mersing in February once the monsoon season ends.

Sultan Iskandar Marine Park Resource Management and Protection chief Nur Afifah A. Rahman said the programme was part of the department's effort to attract sea turtles to lay eggs on the island and beaches in Mersing.

"The mating season is usually between March and October, so we want to increase chances of sea turtles coming to our shores to lay eggs.

"To do this, we are planning a mass clean-up effort on beaches and islands surrounding Mersing so that it does not obstruct sea turtles from coming ashore," she said when contacted.

Nur Afifah said the high tide would wash ashore debris onto the beaches at the end of the north-east monsoon season.

"So we need to act fast and start cleaning up the beaches in February so by March, we can see if our effort in attracting turtles is successful," she said, adding that it was also in line with the department's sea turtle conservation effort.

The department would also be conducting a clean-up on landing buoys surrounding the

islands in Mersing, she added.

"These landing buoys are placed so that boats, especially those carrying visitors for island hopping activities, do not damage our reef when anchoring but are instead tied to the buoy," she explained.

Meanwhile, Reef Check Malaysia (RCM) Mersing programme manager Nazirul Amin Azmi said the beaches facing the South China Sea were often affected by monsoon debris.

"Our clean-up work is pretty straightforward as we collaborate with other associations and government agencies to cover more areas in Mersing.

"It usually takes about two days to clean a 100m beach stretch," he said, adding that the most commonly affected areas were in Pantai Mersing and Pantai Air Papan.

Nazirul shared that RCM's clean-up programme would also start in February and continue until the next monsoon season.

"We usually wait for the monsoon season to be over because it consumes a lot of resources to carry out a clean-up programme at the same place every day.

"Rubbish collected is sent to the waste management services company," he said, adding that the waste would also be separated and those that could not be recycled would then be sent to the landfill.



UTUSAN MALAYSIA		KOSMO!		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO	/	NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF			NEGATIF		NEUTRAL			22	7.12.2022

## Harga bahan basah masih terkawal

**Shah Alam:** Bekalan dan harga bahan basah seperti ikan di sekitar Lembah Klang didapati masih terkawal dan mencukupi.

Ia diakui peniaga yang mendakwa harga jualan tidak meningkat mendadak selain tiada masalah bekalan seperti yang berlaku di beberapa negeri berikutan Monsun Timur Laut.

Tinjauan Harian Metro di Pasar Seksyen 6 di sini, semalam mendapati harga ikan kembung antara RM18 hingga RM23 sekilogram,

ikan pelaling RM10 hingga RM18, udang RM20 hingga RM38 dan sotong RM39 hingga RM45.

Peniaga ikan, Zainuddin Ismail, 57, yang sudah lebih 30 tahun menjalankan perniagaan itu berkata, setiap kali tibanya musim monsun harga jualan meningkat sedikit berikutan nelayan tidak turun ke laut.

Bagaimanapun, setakat ini harga jualan masih sama dan tiada masalah bekalan dari-

pada pemborong di kawasan Kuala Selangor dan Selangor.

"Bekalan ikan kami terima sekarang ini masih ikan segar daripada pembekal. Saya menjual ikan pelbagai jenis dan kualiti jadi harga berbeza mengikut kualiti.

"Tapi, pelanggan boleh membuat perbandingan dan pilihan masing-masing," katanya.

Seorang lagi peniaga, Dani Yusof (**gambar**), 31, berkata, harga jualan beberapa ikan menyaksikan peningkatan RM1 sahaja, manakala hasil laut lain masih dijual pada harga sama sejak beberapa bulan lalu.



PENIAGA menyusun ikan ketika tinjauan harga barangan basah di Pasar Seksyen 6, Shah Alam. - Gambar NSTP/ASYRAF HAMZAH